

FINALI

(Finale 1980)

Testo musicato da Giovanni Marchese

=====

Affacciàta a lu barcuni chi vvardi lu mari
pari na signurina chi prumetti tantu
e la turri misa dda ppi-ttìa vardari,
vicchiaredda, ti pruteggi comu n santu.

Eri rriposu di tutti i carritièri,
nuddu passa rittu di li furistièri,
tutti si fèrmino e chièdinu ri tìa
nicuzza ti ricòrdinu cu-ttanta simpatìa.

Nun-zi po-ddiri ca si bedda assai,
si-ccuomu un çìuri c'ancora avâ-sbucciàri,
ma si biđduzza e li doti tu cci l'ai
pi-ddivintari "granni" da fari-nnamurari.

L'aciđduzzi t'arrivìgghinu ,quannu spunta u sulì,
luntanu ri li casi picchì nun anu nidu nta li muri;
i casi anu liscia la facciata
comu na picciuttedda ncipriata.

Puru li pisci su-ttantu priàti
picchì u mari è-bbieddu e-ttrasparenti
luògu sicuro d'antichi pirati
unni d'estati inviti tanta ggenti.

Oh..! Quanta ricchizza ai di spiranza
pi divintari bbedda, ruci e-ssanta
e si di ccà pi-fforza avissi a-gghjiri
cu-mmìa ti portu sempri n ta lu cori.

Lucio Vranca